

ዓሞፄ ማፃኣፖ ዓይያ ካር

ዓሞፄ ጌይነታ ዓሢ ያኦሲ ማለሢ ኬኤዚሢና ኮሺ ዔርቴ ዓሰቱዋሴ፤ ያኦሲ ማለሢ ኬኤዚሢ ዛላ ታማሪ ዔሬ ባኣዚያ ባኣሴ (7:14)። ጋዓንቴ ኬዶ ዛሎ ዓጮ ካኣቶ ዴማ ዋርቃ ዴሮም ከኢታ ዔኪ ዴንዳንዳጉዲ ናንጊና ናንጋ ጎዳ ዒዛ ዳካዛ ዪሁዳይዳ ቴቆዓ ጌይነታ፣ ዒዚ ናንጋ ጉርዶ ሃሺ ዴንዴ። ዩካፓ ጊንሣ ዒሰራዔኤሌ ዓሶኮ ካኣዦ ካኣሸኮ ዔርቴ ቤዞ፣ ቤኤቴኤሌ ካታሞ ዴንዴ።

ሃኖ ማፃኣፖይዳ ቤርታሲጋፓ ዓሞፄ ዬኖ ቤዞይዳ ዓኣ ሜሌ ዴር ደቢንቴያ ማሂ ጎራኔ፤ ዩካፓ ሃሃ ዒሰራዔኤሌ ዴር፣ ባሺና ጊንሣ ያርጎቹሞና ሜታባኣያ ያቶርቂ ናንጋ ዓሶ ጎራኔ። ዔያታ ዴር ቡራያ፤ ሃሃ ዓይሌ ማሂ ዋልቁና ዋይሃ ዓሲኬ። ዬያቶይዳፓ ባሺ ዓሳ ናንጊና ናንጋ ጎዳ ሃሺ ሜሌ ያኦሲ ካኣሸካያ ማዔቴያ ናንጊና ናንጋ ጎዳ ዔያቶ ካፓንዳኔ ጌይ ዔያታ ጉሙርቃኔ። ዔያታ ማዴ ጎሞ ዛሎና ናንጊና ናንጋ ጎዳ ዔያቶይዳ ሜቶ ዓጋንዳያ ማዒያ ዓሞፄ ዔያቶም ሂዚ ጌይ ኬኤዜኔ፡-

«ፑርታ ዒፀ-ዋቴ፣ ኮሺ ናሽኩ-ዋቴ፤ ዋጎ ዋጎ ጳኦኮይዳ ፒዜ ዋጊያ ሃሺ ዋቢሺፖቴ፤ ዬያ ዒንሣ ማዴቴ ናንጊና ናንጋ ጎዳ ማዔ ቢያ ባኮ ዋይሃ ጎዳሢ ፒኢጫዲ ዓቴ ዒሰራዔኤሌ ዓሶ ጎፆንቴ ማኣራንዳያናንዳኔ።» (5:15)

ማፃኣፔላ ዲማ ዲማ ዓርቁ ባኮ

- ሜሌ ዴራ ማዴ ጎሞ ዛሎ ዔካንዳ ሜቶ (1:1—3:2)
- ዒሰራዔኤሌንታ ሳማሪያ ካታሞንታ ባይቃንዳሢ ዛሎ (3:3—6:14)
- ዒሰራዔኤሌይዳ ዓጊንታንዳ ሜቶ ዛሎ ዓሞፄም ያኦሲ ፔጋሲ ዳዌ ዶንጎ ባኣዚ (7:1—9:10)
- ዒሰራዔኤሌም ሃጊ ቤርታ ዓኣ ጉሙርሳ ዋዛ (9:11-15)

1 ያኣዚያ ጎሞሢ ዪሁዳይዳ፤ ዮዓኣሴ ናኣዚ ዒዮርቢዓሜ ዒሰራዔኤሌይዳ ካኣታዲ ዓኣ ዋደና ቴቆዓ ጉርዶይዳ ቆልሞ ሂንቃ ዓሶፓ ፔቴ፣ ዓሞፄ ጌይነታሰኬይ ዒሰራዔኤሌ ዓሶ ዛሎ ያኦሲ

ማለህ ሂደት ገይሎ ከኤዘኔ፤ ይህ ደግሞ ከኤዘንዳሂኮ ላምዎ ለዕቡ
ቤርታ ዲኢካ ሳኦ ዓገዳ።

2 ዓመጽ ዲማና ሂደት ገይሎ፡-

«ናገረና ናገጋ ጎዳ ደኖኔ ዲኮይዳ ዳይ
ጉጉዳ ዘቢጉዲ ዓገዳ ፀኑሲ ዋይዚሳኔ፤
ዲ ጋዓ ባካ ዬሩሳላሜጋ ማኦሚ ዋይዚጎታኔ፤
ቆልሞ ሄንቃ ዓሳ ሄንቃ ቤዛ ዓኦ ማኦታ ቆልሞኮ ሹላንዳኔ፤
ቁርሜሎሴ ዲኮይዳኦ ዋርቂ ዓኦ ባካኦ ቢያ ማላንዳኔ።»

ናገረና ናገጋ ጎዳ ዲሰራዔኤሌኮ ዓሺኒ ማዔ ዓጮይዳ ዓገ
ሚቶ
ሶኦሪያ

3 ናገረና ናገጋ ጎዳ ሂደት ጋዓ፡- «ዳማሰቆ ዳራ ማዔ ሃይማኖት
ገይንቱሞ ጎሞ ዛሎ ቲኢሩሞ ማቶ ታኦኒ ዔያቶይዳ ዓጋንዳኔ፤
ዔያታ ዓቺ ማላ ሸራ ቶኪ ዓኦ ዓንገና ሃኦኮ ሸርኮ ጎይህ ገሌዓዴ
ዴሮኮ ገደ ሄርቂ ሃንቲ ማቶ ቤኤዘኔ።

4 ካኦቲ ሃዛዔኤሌኮ ካኦቱሞ ባይዘንዳ ታሚ ታኦኒ ዓጋንዳኔ፤
ዬይ ታማ ካኦቲ፡ ቤንሃዳዴ ከልቂ ኮሼ ዲያ ሙዓንዳኔ።

5 ዳማሰቆ ካታሞ ገሎ ካር ዋዶ ዓንጎ ታኦኒ ቢያ ማንሣንዳኔ፤
ዓዌኔ ደኦጮይዳ ናገጋ ዳሮንታ ቤትዔዴኔ ካኦቲንታ ታኦኒ
ባይዘንዳኔ፤ ሶኦሪያ ዳራ ዲዒንቲ ቂኢሬ ዓጮ ዔሙታንዳኔ።»

ፒሊሰጻኤሚ

6 ናገረና ናገጋ ጎዳ ሂደት ጋዓ፡- «ጋኦዛ ካታሞ ዳራ ማዔ ሃይማኖት
ገይንቱሞ ጎሞ ዛሎ ቲኢሩሞ ማቶ ታኦኒ ዔያቶይዳ ዓጋንዳኔ፤
ዔያታ ዲዒ ዔካ ዳር ቢያ ዔዳኦሚ ዓሰሞ ሻንቼኔ።

7 ዬያሮ ታኦኒ ጋኦዛ ካታሞኮ ከኤሎ ዲያይዳ ታሚ ዓጋንዳኔ፤
ዔያቶኮ ዬያ ዋርዲኖ ዬይ ታማ ሙዓንዳኔ።

8 ዓሸዶይዳ ናገጋ ዳሮንታ ዓሰቂሎና ካኦቲንታ ታኦኒ
ባይዘንዳኔ፤ ዔቅሮኦኔ ካታማ ናገጋ ዳሮይዳኦ ታኦኒ ማቶ ዓጋንዳኔ፤
ፒሊሰጻኤሚጋ ቶሊ ዓቲ ዓሳኦ ሃይቃንዳኔ።»

ዒኢሮሴ

1:1 2ካኦቶ. ማ 15:1-7፤ 14:23-29፤ 2ጾኦሲ. ዓሃኬ 26:1-23። 1:2 ዓዲ. 3:16።
1:3 ዓሲ. 17:1-3፤ ዓር. 49:23-27፤ ዛካ. 9:1። 1:6 ዓሲ. 14:29-31፤ ዓር.
47:1-7፤ ሂደት. 25:15-17፤ ዓዲ. 3:4-8፤ ሶፖ. 2:4-7፤ ዛካ. 9:5-7።

9 ናንጊና ናንጋ ጎዳ ሂዚ ጋዓኔ፡- «ጂኢሮሴ ካታሞ ዴራ ማዳ ሃይማኬ ጌይንቱሞ ጎሞ ዛሎ ቲኢሩሞ ታኣኒ ማቶ ዔያቶይዳ ዓጋንዳኔ፤ ዔያታ ሞላ ሳላዴ ዴሮ ቦንቹሞ ዲዒ ዔኬ ዓሶ ዔድኦሚ ዓሶሞ ሻንቹኔ።

10 ዬያሮ ጂኢሮሴ ካታሞኮ ከኤሎ ዲያይዳ ታሚ ታኣኒ ዓጋንዳኔ፤ ዔያቶኮ ዬያ ሞርዲዮ ዬይ ታማ ሙዓንዳኔ።»

ዔድኦሚ

11 ናንጊና ናንጋ ጎዳ ሂዚ ጋዓኔ፡- «ዔድኦሚ ዴራ ማዳ ሃይማኬ ጌይንቱሞ ጎሞ ዛሎ ቲኢሩሞ ማቶ ታኣኒ ዔያቶይዳ ዓጋንዳኔ፤ ዔያታ ፔኤኮ ዒጊኖ፡ ዒሰራዔኤሌ ዓሶ ጨንቾ ዓራፖና ሞዲ ሞዲ ዳውሴኔ፤ ዔያቶ ዳውሴ ዓርቃሞ ሚጨንቲቃይዳ ዔያታ ሞዴኔ፤ ዔያቶይዳ ታኣኒ ዳጋዴ ዳጋ ታኣኮ ማሶ ዒጻኔ፤

12 ዬያሮ ቱማኣኔ ካታሞይዳ ታኣኒ ታሚ ዓጋንዳኔ፤ ዬይ ታማ ቦጺራ ሞርዲዮ ሙዓንዳኔ።»

ዓሞኣኔ

13 ናንጊና ናንጋ ጎዳ ሂዚ ጋዓኔ፡- «ዓሞኣኔ ዴራ ማዳ ሃይማኬ ጌይንቱሞ ጎሞ ዛሎ ቲኢሩሞ ማቶ ታኣኒ ዔያቶይዳ ዓጋንዳኔ፤ ዔያታ ፔኤኮ ዓጮ ዳልጊሻኒ ያሌ ያሎና ጌሌዓዴይዳ ናንጋ፡ ጎጶይንዳሢኮ ጎጶ ዔያታ ዳርዚ ዳርዚ ላኣሌኔ።

14 ዬያሮ ታኣኒ ራኣባ ካታሞኮ ከኤሎ ዲያይዳ ታሚ ዓጋንዳኔ፤ ዬይ ታማ ዬያ ሞርዲዮ ሙዓንዳኔ፤ ያዲ ማዔሰካፓ ያሎ ዓሶና ሞርካ ዔያቶ ሞዲ ሞዲ ማርቶ ሌሊ ማርታያ ማዓንዳኔ፤ ያሎ ያላ ዓሳ ዓልጎ ዠባሬጉዲ ሩኤሪ ዔያቶይዳ ዬዓንዳኔ፤

15 ዔያቶኮ ካኣቲንታ ዴኤፖ ዴኤፖ ቢታንታ ዓኣ ዓሶንታ ዲዒንቲ ዔውታንዳኔ።» ጋዓኔ ናንጊና ናንጋ ጎዳሢ።

2

ሞዓኣቤ

1:10 ዒ.ሲ. 23:1-8፤ ሂዚ. 26:1—28:19፤ ዒ.ዩ. 3:4-8፤ ዛካ. 9:1-4፤ ማቲ. 11:21-22፤ ሉቃ. 10:13-14። **1:11** ዒ.ሲ. 34:5-17፤ 63:1-6፤ ዔ.ር. 49:7-22፤ ሂዚ. 25:12-14፤ 35:1-15፤ ዓብዲ. 1-14፤ ሚል. 1:2-5። **1:13** ዔ.ር. 49:1-6፤ ሂዚ. 21:28-32፤ 25:1-7፤ ሶፖ. 2:8-11።

1 ናንጊና ናንጋ ጎዳ ሂዚ ጋዓኔ፡- «ሞዓኣቤ ዴራ ማዳ ሃይማኬ ጌይንቱዋ ጎሞ ዛሎ ቲኢሩዋዎ ማቶ ታኣኒ ዔያቶይዳ ዓጋንዳኔ፤ ዔያታ ዔዶኦሚ ካኣቲኮ ማጌዎ ዲቢንሢ ማሂ ታሚና ሚቹኔ፤

2 ዬያሮ ሞዓኣቤ ሳዖይዳ ታሚ ታኣኒ ዓጋንዳኔ፤ ዬይ ታማ ቂሪዮቲ ዋርዲዮ ሙዓንዳኔ፤ ስሎሮ ሙካ ዓሳ ማርቲ ማርቲ፤ ዛዬ ዋርቂ ሃሃ ዲቃህ ዑኡሲያ ዋይዚሲ ዋይዚሲ ሞዓኣቤ ዴሮ ዋዲ ኩርሳንዳኔ።

3 ሞዓኣቤ ዓጮ ዋይሃ ሱኡጎንታ ቢታጎንታ ዓኣ ዓሶንታ ታኣኒ ባይዛንዳኔ።» ጋዓኔ ናንጊና ናንጋ ጎዳህ።

ዪሁዳ

4 ናንጊና ናንጋ ጎዳ ሂዚ ጋዓኔ፡- «ዪሁዳ ዴራ ማዳ ሃይማኬ ጌይንቱዋ ጎሞ ዛሎ ቲኢሩዋዎ ታኣኒ ማቶ ዔያቶይዳ ዓጋንዳኔ፤ ዔያታ ታኣኮ ዋጎ ቦንቸባኣቤ፤ ታኣኒ ዓይህ ባኮዋ ካፒ ኩንህባኣቤ፤ ዔያቶኮ ዓዶንህ ካኣሽካ ሉኡዚ ማዔ ያኦዛ ዔያቶ ዲቢሹኔ፤

5 ዬያሮ ታኣኒ ዪሁዳ ሳዖይዳ ታሚ ዓጋንዳኔ፤ ዬሩሳላሜ ካታሞኮ ኬኤሎ ዲያ ዬይ ታማ ሙዓንዳኔ።»

ናንጊና ናንጋ ጎዳ ዒሰራዔኤሌ ዓጮይዳ ዓጌ ማታህ

6 ናንጊና ናንጋ ጎዳ ሂዚ ጋዓኔ፡- «ዒሰራዔኤሌ ዴራ ማዳ ሃይማኬ ጌይንቱዋ ጎሞ ዛሎ ቲኢሩዋዎ ታኣኒ ዔያቶይዳ ማቶ ዓጋንዳኔ፤ ዔያታ ጂሎ ዓሶ ሚኢሹም፣ ማንቆ ዓሶዋ ዱርሲና ሶኦኪ ሶኦኪ ሻንቹኔ።

7 ዋልቃባኣ ዓሶና ማኣዳ ዓሲባኣ ዓሶዋ ሳዖይዳ ዔያታ ሎንህ ቶኣኮ ሄርቄኔ፤ ዋልቃ ጌላያ ማዔ፣ ሄርቄንቲ ዋርቃ ዓሶም ፒዜ ዋጌ ዔያታ ዋጉዋቤ፤ ዓዶንታ ናዖንታ ፔቲ ላኣሊና ላሃኔ፤ ዬያ ዔያታ ማዲያና ታኣኮ ዱማዳ ጌኤዢ ሱንያ ዒኢሳኔ።

8 ጋሌ ጨጋኒ ዳንዳዒባኣ ማንቆ ዓሶኮ ዓፒሎ ዔያታ ዓይህ ባኣዚ ማሂ ዔካኔ፤ ያኦሲም ዒንጎ ባኮ ዒንጎ ቤዞ ኮይላ ዬያ ዓፒሎ ሂኢህ ዔያታ ጊዳ ላላሃኔ፤ ጋሎ ጨጋኒ ዳንዳዒባኣ ዓሶ ዲቢሲ ዔያታ ዔኬ ዋይኖ ዑዢ ዔያቶኮ ያኦሲ ማኣራ ዴይ ዔያታ ዑዑሽካኔ።

9 «ታኣኒ ጋዓንቲ ዒሰራዔኤሌ ዴሮ ሚጨንቲ ሊባኖኦሴ ሚያጉዲ ዴኤፔ ዓሶ፣ ዋልቆናኣ ዴኤፔ ሻኣቢ ማዒ ዓኣ ዓሞኦራ ዓሶ ፃጳፓ ቱጊ ኬኤሪ ባይዘኔ፤

2:1 ዒሲ. 15:1—16:14፤ 25:10-12፤ ዔር. 48:1-47፤ ሂዚ. 25:8-11፤ ሶፖ. 2:8-11። 2:9 ላሚ. ዋማ 3:8-11።

10 ጊብፄ ዓጮፓ ታኣኒ ዒንሢ ዔኪ ኬሲ የይዲታሚ ለዔ ጉቤ ዓሲ ናንጉዋ ዳውሎይዳ ጎይሢ ዒንሢሞ ቤኤዚ ዔኪ ሃንቴኔ፤ ዓሞኦራ ዓሶ ዓጮዋ ዒንሢ ዴኔ ማሂ ታኣኒ ዒንጌኔ።

11 ዒንሢኮ ዓቲንቆ ባኣካፓ ፔቴ ፔቴ ዓሶ ታ ማሊሢ ኬኤዛያ፡ ዒንሢኮ ዴጌሢ ባኣካፓኣ ፔቴ ፔቴ ናዝራ ዓሲ * ማዓንዳያ ዶኦሪ ታኣኒ ኬሴኔ፤ ዒሲራዔኤሌ ዴሬዮቴ! ዩይ ጎኔ ባኣዚቴዋዓዳ? ዩያ ጌዔሢ ታና፡ ናንጊና ናንጋ ጎዳኬ።

12 ዒንሢ ጋዓንቴ ናዝራ ዓሶ ዋይኖ ዑዞ ዑሺ ዳቢሼኔ፤ ታ ማሊያ ኬኤዛ ዓሳኣ ዔኤቢ ኬኤዙዋጉዲ ዒንሢ ላኣጌኔ።

13 ዩያሮ ታኣኒ ዴኤፕሹቺ ኮላሶዛ ዴማ ዓኣ ባካ ዳኣዲንታሢጉዲ ሄርቁ ዒንሢ ዳኣፃንዳኔ።

14 ጳዦ ሩኡሪ ጳሽካሢ ጳሽኮ ባሺንታንዳኔ፤ ዶዶ ዓሶኮ ዋልቃ ባይቃንዳኔ፤ የሎ የላ ዓሳ ፔና ዓውሳኒ ዳንዳዓዓኬ።

15 ሂኢዦና ዲካ ዓሳ ቤዛ ዔቁ ዲኪ ቃዛዓኬ፤ ሩኡሪ ጳሽካ ዓሳኣ ጳሽኪ ቶላዓኬ፤ ፓራሢና የላ ዓሳኣ ፔ ሺምፓሢ ዓይሳዓኬ።

16 ዩዮ ኬሎና የሎና ዔርቴ ዓሳታዎ ፔኤኮ ዓንገሞ ኬኤሪ ኬኤሪ ጳሽካንዳኔ» ዩያ ጌዔሢ ናንጊና ናንጋ ጎዳኬ።

3

ዒሲራዔኤሌ ዓሶ ላሢኒ ፓይዲንቴ ማርካ

1 ዒሲራዔኤሌ ዴሬዮቴ! ዒዚ ጊብፄፓ ዔኪ ኬሴ ዴሮ፤ ዒንሢ ቢያሢ ዛሎ ናንጊና ናንጋ ጎዳ ዳጋዲ ጌዔ ባኮ ዋይዙዋቴ፡-

2 «ዓጮ ቢያይዳ ናንጋ ዴሮፓ ቢያ ታኣኒ ዶኦሪሢ ዒንሢ ሌሊኬ፤ ዒንሢ ማዳ ጎሞ ዛሎሮ ቢያ ታ ዒንሢዳ ሜቶ ዓጋሢ ዩያሮኬ።»

የኦሲ ማሊሢ ኬኤዛ ዓሲ የኦሲፓ ዋይዚ ኬኤዛያ ማዒያ

3 ሂንዳ ማሉዋቴ፤ ላምዎ ዓሲ ዋላ ጌሰቴ ጊኢጉዋዎ ጎይሢ ዴንዳኒ ዳንዳዓኖ?

4 ዘቢ ዴኤሊ ካይዚዳ ዔኤቢ ኬሚ ዓርቁዋዎ ጉሪ ጉዳኖ? ሃጊ ዔቃ ዘቢያኣ ፔቴታዎ ዔኤቢ ዴንቁዋ ዋርቃ ቤዛ ዓኣዎ ዑኡሲ ኬሳ?

5 ፒራ ፒሪንቴባኣንቴ ካፒ ጉሪ ዓዲንታ?

ዔኤቢ ጊዳ ጌሉዋንቴ ፒራ ጉሪ ዶንቃ?

6 የልዚሮ ጊኢጋንዳጉዲ ዛያ ካታሞይዳ ዋርቁንታኣና ዒጊጩ ጎጋይቁዋ ዴሬ ዓኣ?

ናንጊና ናንጋ ጎዳ ጌይባኣንቴ ካታማይዳ ፑርታ ባኣዚ ሙኪ ሄላ?

* 2:11 ናዝራ ዓሲ፡- ጋዓዛ ፓይ. ማፃ 6:2ይዳ ዛጌ። 2:11 ፓይ. ማፃ 6:1-8።

7 ናንጊና ናንጋ ጎዳ ማዔ ሆኑዛህ ፔ ማሊያ ዒዛኮ ዒይሎም ፔጋሲ ዳውዋየ ፔቴ ባኣዚታዎ ማዲቆሴ።

8 ዘቢ ጉዳኣና ዋይዛየ ዒጊጨዋኣይ ያናዳይ?

ናንጊና ናንጋ ጎዳ ማዔ ሆኑዛህ ፔ ማሊያ ፔጋሲ ዳዋዛ ዒዛ ማሊሂ ኬኤዙዋይ ያናዳይ?

ሳማሪያ ካታሞኮ ደዒያ

9 ዓሽዶዴ ካታሞና ጊብፄ ዓጮናይዳ ዓኣ ኬልቂ ዋርዲዮና ቤዛ ናንጋ ዓሶም ቢያ ሂዚ ጌይ ዑኡዙ ደጊዲ ኬኤዙዋቴ፡- «ሳማሪያ ዲኮይዳ ቡኪንቱዋቴ፤ ዒኣካ ማዲንታ ጌኖ ማደና ዛላሂያ ዛጉዋቴ።»

10 ናንጊና ናንጋ ጎዳ ሂዚ ጋዓ፡- «ዬይ ዴራ ኮሺ ባኣዚ ማዲሂ ዒፈቆሴ፤ ጌይ ማደና ዒያታ ቡሪ ዒኬ ቆሎና ፔኤኮ ኬኤሎ ዲያ ጋሮ ኩንሂ፤»

11 ዬያሮ ሞርኬ ሙኪ ዒያቶኮ ዓጮ ማንጋንዳ፤ ኬኤሎ ዲያ ዒያቶኮ ሻሂ ኬኤዎዎ ዒያቶኮ ቡራንዳ።» ጋዓ፤ ናንጊና ናንጋ ጎዳ ማዔ ኑ ሆኑዛህ።

12 ናንጊና ናንጋ ጎዳ ሂዚ ጋዓ፡- «ሳማሪያይዳ ናንጋ ዒሰራዒኤሌ ዓሳ ሜቁሂ ሻኣላና ሹልጉዶ ዜዲና ዓኣያ ማዒ ቶሊ ዓታንዳ፤ ዬይያ፡- ቆልሞ ሄንቃ ዓሲ ዘቢ ሙይ ጋፒሴ ቆልሞኮ ላምዎ ቶኪና ዋይዚ ዲጲሂና ቶሊሲ ዒካያጉዲኬ።»

13 ቢያ ባኮ ዋይሂ ጎዳ ማዔ ሆኑዛህ ሂዚ ጋዓ፡- «ታ ጋዓ ባኮ ዋይዙዋቴ፤ ያይቆኣቤ ዜርፃ ማዴ ባኮኮ ማርካ ታ ዒንሂ ፓይዳሂሮ ማርካዲቆቴ።»

14 ዒያታ ማዴ ጎሞ ዛሎሮ ዒሰራዒኤሌ ዴሮይዳ ታኣኒ ሜቶ ዓጋ ኬሎና ቤኤቴኤሌይዳ ዓኣ ዒንጎ ባኮ ዒንጎ ቤዙ ታኣኒ ሻሂንዳ፤ ዬያ ቤዘኮ ካኣሪ ማዒ ዓኣ ኮሺንቱ ባካ ሳዓ ሜቁ ኬዳንዳ።

15 ዒያታ ባርጎንታ ያጎያንታ ዒኣካ ዴይ ዓኣሂ ማኣሮ ቢያ ታ ዒያቶኮ ሻሂንዳ፤ ደርዘ ዓጮና ሚዛጲሲ ኮሻና ማኣራ ቢያ ሻሂንታንዳ፤ ዴኤፖ ዴኤፖ ማኣራኣ ቢያ ደዓንዳ።» ጋዓ፤ ናንጊና ናንጋ ጎዳሂ።

4

1 ባኣሳኣኔ ዓጮይዳ ዓኣ ዲጮ ባኣቶ ዒንደጉዲ ማሌ ሳማሪያ ካታሞ ላኣላ! ሃያ ባኮ ኮሺ ዋይዙዋቴ! ዒንሂ ላቤ፡ ዎልቃ ባኣ ዓሶ

3:14 2ካኣቶ. ማ 23:15።

ደውሲሳኔ፤ ማንቆ ዓሳኮ ዒንሢ ካራ ባይዛኔ፤ ዓነንሢ ዒንሢም ቢያ ዎዴ ማሣ ዑሽ ዒንጋንዳጉዲ ዒንሢ ምጫኔ።

2 ዬያር ናንገና ናንጋ ጎዳ ማዕ ያኦዛሢ ፔኤኮ ዲማዴ ጌኤሹዋ ጌፒ ሂዚ ጌይ ጫኦቄ፡- «ዓንገ ኪሬና ጎቺ ዔኤቢ ዔኮጉዲ ዒንሢ ዔውታንዳ ዎዴ ዬዓንዳኔ፤ ዒንሢዳ ዓታንዳ ዓሲ ባኦ፡፡ ዓቴኔ ጎያና ዓሳኦ ሞሎጉዲ ዓንገ ኪሬና ዓዲንቲ ዔውታንዳ፡፡

3 ዒንሢ ፔቴ ፔቴሢ ሻሆና ኬኤሎ ዲያኮ ፑልቶና ጎቺንቲ ዔውቲ ሃርሞኦኔይዳ ኬኤሪንታንዳ።» ጋዓኔ ናንገና ናንጋ ጎዳሢ።

ዒሰራዔኤሌ ዓሳ ሪኢራኒ ዳንዳዒባኦሢ

4 ናንገና ናንጋ ጎዳ ሂዚ ጋዓኔ፡- «ዒሰራዔኤሌ ዳሬዮቴ! ቤኤቴሌ ዳንዲጋፓ ጎሞ ማማዲዋቴ! ሃሣ ጌልጌላኦ ዳንዲጋፓ ኮይሴ ጎይሢ ጎሜ ማማዲዋቴ! ኬላ ኬላ ያኦሲም ዒንጎ ባኮዋ ዒንጉዋቴ! ሃይሣሳ ኬሎና ታጳፓ ፔቴ ኬሲ ዒንሢ ዒንጋ ባኮ ዒንጉዋቴ።

5 ዒንሢ ማዳኒ ኮዓዛ ዬኖታሢሮ ጋላቶሮ ዒንሢ ዔኪ ሺኦሻ፡ ሙኦቆ ፃኦዘና ካሢንታ ካሦ ታኦም ሺኦሹዋቴ፤ ዒንሢ ሼኔና ዒንሢ ዔኪ ሙኪ ዒንጋ ባኮሮ ሆኦሊንቲ ጌሰቱዋቴ።»

6 «ዳንጋይዳ ዒንሢ ዳካንዳ ሃኦኮ ባይዚ፡፡ ካታሞ ቢያይዳ ናይዚ ታኦኒ ዳኬኔ፤ ዒንሢ ጋዓንቲ ዬያና ሪኢራ ጋ ባንሢ ማዒባኦ።

7 ጎዣ ዒንሢኮ ካፁዋንቲ ሃይሦ ዓገኒኮ ቤርታ ዒሮ ታኦኒ ዋርቁዋጉዲ ላኦኔ፤ ፔቴ ካታሞይዳ ዋርቃፆ ባጎይዳ ዋርቁዋጉዲ ታኦኒ ቃኬኔ፤ ፔቴሢ ጎዣ ዒራ ዋርቃዛ ባጋሢኮኮ ዒርዚ ባይቁም ሃኦኮ ዓቢ ማልዘኔ።

8 ዓሳ ዋኦሢ ዑሽኮንደያ ባይዚ ፔቴ ካታማፓ ማሌ ካታሞ ዳንዴኔ፤ ጋዓንቲ ዬይ ዓሳ ገዳንዳ ዋኦሢ ዳንቁባኦሢሮ ዑሽኪ ዳኤቦ ዘኦራኒ ዳንዳዒባኦ፤ ዬያ ዘጋፆ ዒንሢ ታ ባንሢ ማዒባኦ።

9 «ሃኦኮ ዒንሢኮ ማልዘንዳ ደዲ ዠባራ ታኦኒ ዠባርሺሴ፤ ዒንሢኮ ቱኮና ዲማ ዳማ ባኮንታ ዎይናንታ፡፡ ቤሌሶ ሚያንታ ዘይቶ ሪሚቶንታ ቢያ ዓቢሢ ሙዔኔ፤ ዬያርታዎ ሪኢራ ዒንሢ ታ ባንሢ ማዒባኦ።

10 «ጌብፃ ዓጮይዳ ታኦኒ ዳኬ ባይዛ ባኮጉዴ ባኦዚ ታ ዒንሢም ዳኬኔ፡፡ ዳጌሢ ታ ዒንሢኮ ጩንቾ ዓራፖና ዎዲሼኔ፡፡ ፓራሢያ ታ ዒንሢኮ ዲዒሴኔ፤ ገንሣ ሃሣ ዒንሢኮ ጉርደይዳ ሃይቁ ዓሶ ሌዘ ዘያና ሲኦ ዳ ታኦኒ ዒንሢኮ ሹኦሜ፤ ዒንሢ ጋዓንቲ ታ ባንሢ ማዓኒ ዳንዳዒባኦ።

11 «ሶዶኦስ ጋሞኦሪና ታኦኒ ባይዜሢጉዲ ዲንሢዲፓ ሚርጌ ዓሲ ታኦኒ ዎዲ ባይዜኔ፤ ዲንሢ ቶሊ ዓቴሢ ታሚ ጋውሌ ሚሢጉዲ ማዲኬ፤ ዬይ ቢያ ያዲ ማዔቴያ ታ ባንሢ ዲንሢ ማዲባኦ።

12 ዲሰራዔኤሌ ዴሬዮቴ! ታኦኒ ዲንሢዲ ዬያጉዴ ፑርታ ሜቶ ባጋንዳኔ፤ ዬያር ታና፡ ዲንሢኮ ፆኦዛሢና ዎላ ካኦማኒ ገኢጉዎቴ!»

13 ታኦኒ፡- ዲኮ ቢያ ማገቴ፤ ሃሢ ገርባርዎ ማገቴያ

ታኦኒ ማሌ ባኮ ዓሲም ፔጋሲ ዲዎያ

ርኦር ፖዎ ዲሚ ማሢ ሺርሻያ

ሳዎኮ ዴጌ ዴጌ ማዔ ጌሚርይዳ ሃንታያ

ሱንፃ ታኦኮ ቢያ ባኮ ዎይሢ ፆኦሲ ናንገና ናንጋ ጎዳኬ።

5

ዲሰራዔኤሌ ዴራ ጎሞ ቡኡፃንዳጉዲ ኬኤዚንቴሢ

1 ዲሰራዔኤሌ ዴሬዮቴ! ታኦኒ ዲንሢዲ ሄላንዳ ባኮ ዛሎር ቃያ ቃዮ ዎይዙዎቴ፡-

2 ኩሙሢ ዉዲር ማዔዛ ዲሰራዔኤሌ ሎኦሜ፤

ላሚ ዬኤፓ ዲዛ ዔቃኒ ዳንደዑዎሴ።

ዲዛ ኬኤሊንቁ ዔቁሳንዳ ዓሲያ ባኦያ

ፔ ዓጮይዳ ኬኤሪንቴ ዓሲ ማዔ።

3 ናንገና ናንጋ ጎዳ ማዔ ፆኦዛሢ ሂዚ ጋዓ፡- «ፔቴ ዲሰራዔኤሌ ካታማፓ ሺያ ዓሲ ያሎር ዴንዳንዳኔ፤ ሃይቁዎ ሺምፖና ባታንዳዘንሢ ጋዓንቴ ፆኤታ ሌሊ ማዓንዳኔ፤ ማሌ ካታማፓ ሃሢ ፆኤታ ዓሲ ያሎር ዴንዳንዳኔ፤ ዬያቶፓኦ ቶሊ ሙካንዳዘንሢ ታጰ ሌሊ ማዓንዳኔ።»

4 ናንገና ናንጋ ጎዳ ሂዚ ጋዓ፡- «ዲሰራዔኤሌ ዴሬዮቴ! ታና ኮይ ታ ባንሢ ማዑዎቴ፤ ሺምፔና ዲንሢ ናንጋንዳኔ፤

5 ቤርሳቤ ዴንዲፖቴ፤ ቤኤቴኤሌ ደዒ ቤሲ ባይቃንዳኔ፤ ጌልጌላይዳ ናንጋ ዓሳኦ ዲዲንቴ ማሌ ዓጪ ዔውታንዳኔ፤ ዬያር ቤኤቴሌያ ማዎም ጌልጌላ ዴንዳኒ ኮይፖቴ።»

6 ዬያ ሃሺጋፓ ናንገና ናንጋ ጎዳ ባንሢ ማዑዎቴ፤ ሺምፔና ዲንሢ ናንጋንዳኔ፤ ዲንሢ ዬያይዲባኦቴ ናንገና ናንጋ ጎዳ ታሚጉዲ ዮሴፔ ማኦር ሙዓንዳኔ፤ ዬይ ታማ ቤኤቴሌይዳ ናንጋ ዓሶ ሙይ ባይዘንዳኔ፤ ዬያ ታዎ ዎዳንዳ ዓሲ ጰዳዓኬ።

7 ዲንሢ ፒዜ ዎጊሢ ሃሺ ዎጎ ዎቢሻ ዓሳ፤ ጊንሢ ሃሢ ጎኡሞ ሉኡዙሞ ማሢ ሺርሻ ላኦማ ዓሳ ዲንሢና ባዴዔ!

8-9 ፑንጫርንታ ዛኦፖ ዠኦጋሢንታ

4:11 ማዢ. ማፃ 19:24።

ዲማ ዲማ ዠኦጋህ ማዠፍ፤
 ዲሞ ካርዚ ፖሲሲ፡ ፖዔ ርኦርዋ ዲሚሲ
 ዴኤፖ ባዞ ዋኣዎዋ ፔ ሼና ጌዔ ጎይዎ ዓይህ
 ሳዖይዳ ገንህ ሸኦቲሳህ
 ደደ ዓሶ ዔርቲባኣንቲ ባይዛህ
 ኬልቁ ዲርቁ፡ ዋርዲዮና ካታሞዋ ደይሲ ባይዛህ
 ሱንፃ ዒዛኮ ናንገና ናንጋ ጎዳኬ።

10 ዋጎ ዋጎ ጳኦኮይዳ ዘሪ ጎራ ዓሶ ዒንህህ ዒጼኔ፤ ጎኔ ጌሰታ ዓሶዋ ዒንህህ ሼናዳኔ።

11 ማንቆ ዓሶ ዒንህህ ሄርቄኔ፤ ዋልቄና ዒንህህ ዔያቶ ሃኣኮ ገኢሪሼኔ፤ ዓርሲ ኮሾና ሹቸና ማኣሮ ዒንህህኮ ዒንህህ ማዠፍኔ፤ ጋዓንቲ ዒንህህ ዒኢካ ናንጋዓኬ። ዎይኖ ዒንህህ ቱኬኔ፤ ጋዓንቲ ዬያኮ ካፃ ዓኣፖ ጨኦጲ ኮሾ ዑዠ ዒንህህ ዑሽካዓኬ።

12 ዳቢንታ ዒንህህኮ ዋኣዲ ዲቤቲያ ጎማኣ ዒንህህኮ ዎያይዲ ኩሜቲያ ታኣኒ ዔራኔ፤ ጂሎ ዓሶኮ ዒንህህ ካራ ባይዛኔ፤ ዴሜና ዒንጎ ሚኢሾ ዔኪ ዔኪ ዎጎ ዎጎ ጳኦኮይዳ ፒዜ ዎጊዎ ሃሺ ዒንህህ ዎቢሻኔ።

13 ዬይ ፑርታ ዎዴ ማዔህረ ማሊ ጳቂህ ዓሲ ዬያጉዴ ዎዶና ዘቲ ጋዓኔ።

14 ሼሞፔና ናንጋኒ ኮሺ ባኣዚ ማዲዎቲ፡ ፑርታ ማዲፖቲ፤ ዒንህህ ዬሚይዴቲ ዒንህህ ጌዔ ጎይዎጉዴያ ናንገና ናንጋ ጎዳ ማዔ ቢያ ባኮ ዎይህ ዎኦዛህ ዒንህህና ዎላ ማዓንዳኔ።

15 ፑርታ ዒፁዎቲ፡ ኮሺ ናሽኩዎቲ፤ ዎጎ ዎጎ ጳኦኮይዳ ፒዜ ዎጊዎ ሃሺ ዎቢሺፖቲ፤ ዬያ ዒንህህ ማዳቲ ናንገና ናንጋ ጎዳ ማዔ ቢያ ባኮ ዎይህ ጎዳህ ፒኢጫዲ ዓቲ ዒሰራዔኤሌ ዓሶ ጎዎንቲ ማኣራንዳያናንዳኔ።

16 ናንገና ናንጋ ጎዳ ማዔ ቢያ ባኮ ዎይህ ጎዳህ ሂዚ ጋዓኔ፡ «ካታሞ ሳዞ ጎይዎና ዴራ ቡካ ጳኦኮይዳ ሜታዲ ዒላቶ ዑኡሲ ዎይዚንታኔ፤ ጎዠ ጎሽካ ዓሳኣ ዬኤፖሮ ዔኤሊንቲ ዬዒ፡ ቃዩ ዬኤካ ዓሶና ዎላ ሃይቁ ዓሶ ዬኤካንዳኔ።

17 ዎይኖ ቱኮ ጎዠይዳ ቢያ ዬኤፒ ዬኤኪንታንዳኔ፤ ዬይ ቢያ ያዲ ማዓንዳህ ታኣኒ ዒኢና ዎኦኪ ዓኣዳንዳህረኬ» ዬያ ጌዔህ ናንገና ናንጋ ጎዳኬ።

18 ናንገና ናንጋ ጎዳ ሙካንዳ ኬሎ ዓፃዳ ዓሳ ዒንህህና ባይዔቲ! ዬይ ኬላ ዲሚኬ፤ ፖሲቱዋኣህረ ዬያ ኬሎ ዎይታዛ ዒንህህ ዓፃዳይ?

5:8-9 ዒዮ. 9:9፤ 38:31።

19 ዬይ ኬላ ፔቴ ዓሲ ዘቢ ዳውሴም ጳሽኪ ዴንዲቤቃ ማሌ ፑርታ ቦያ ካኣሚም ዬያፓኣ ቶሊ ጳሽኪ ፔኤኮ ጋሮ ጌላፖ ኬኤዮኮ ኮጮይዳ ኩቺ ጌሣዛ ሸኦሽ ዳዔ ዓሲ ዲንሢ ማሃንዳኔ።

20 ናንጊና ናንጋ ጎዳ ዎጎ ዎጋ ኬሎና ዲዲማንዳኔ፣ ዲንሢም ፖዓዓኬ፤ ዬና ኬላ ፔቴታፖ ፖዒ ጴዳዎያ ሻኔ ዲሚ ኬሊ ማዓንዳኔ።

21 ናንጊና ናንጋ ጎዳ ሂዚ ጋዓኔ፡- «ሌዓ ሌዓ ዲንሢ ቦንቻ ቦንቻ ቢያ ታኣኒ ዲዒ ቶቶኦቻኔ፤ ዲንሢ ካኣኸሮ ቡካ ቡኪፃኣ ታና ዎዛሱዎሴ።

22 ሚቺ ዲንጎ ባኮንታ ሃኣኮ ዲንጊያንታ ታኣም ዲንሢ ሸኢሸ ዲንጌቴያ ታኣኒ ዔካያቴዎሴ፤ ፔቴሞና ዲንጎ ዲንጊያሮ ዲንሢ ሹካ ማሎ ቆልሞ ታኣኒ ሸሪ ዛጋዓኬ።

23 ታና ቦንቻኔ ጌይ ዲንሢ ዓይናዲ ዲላታ ዲላቶ ሃሹዎቴ፤ ዲንሢ ዋርቃ ጎኦሎ ዑኡዘዎ ታኣኒ ዎይዛዓኬ።

24 ዬያ ማዳኔ ጌይ ሸሪያይዳፓ ፒዜ ዎጌ ዎርዘጉዲ፤ ጊንሣ ሃሣ ሂሎሞ ማዶዎ ዓልቂ ዎታ ዎኣሢጉዲ ጎዲሱዎቴ።

25 «ዲሰራዔኤሌ ዴሬዮቴ! ጎኔና ሂንዳ ያይዲታሚ ለዔ ዓሲ ናንጉዎ ዳውሎይዳ ዲንሢ ሃንቴያና ዲማ ዲማ ዲንጎ ባኣዚ ታኣም ዲንሢ ዲንጌና?

26 ዲማና ዲንሢ ዲንሢሮ ኮሼ፣ ዲንሢ ፆኦዛሢ ሞሎኬም ዓፒሎና ማዢንቴ ካኣኸ ማኣሮንታ ሬፓኔ ጌይንታሢኮ ኸኦጎ ማሊሲ ዲንሢ ኮሼ ባኮ ኬዲ ኬዲ ሃንቴኔ።

27 ዬያሮ ዴማሰቆይዳፓ ዲዲሲ ታ ዲንሢ ሃኬ ዓጪ ዓኪ ዳካንዳኔ» ዬያ ጌዔሢ ታና፣ ናንጊና ናንጋ ጎዳ ማዔ ቢያ ባኮ ዎይሣ ያኦዛሢ።

6

ዲሰራዔኤሌይዳ ዓጊንታኒ ጊኣጌ ሜቶ

1 ዲሰራዔኤሌ ዴራ ዔያቶኮ ሱኡጋ ዔያቶ ማኣዳንዳጉዲ ማኣዶ ኮይ ሙካኔ፤ ዬያታ ሱኡጋ ጋዓንቴ ሂዮኔይዳ ሜታባኣያ ኮንጋቲ ዴዒ፣ ሳማሪያ ዲኮይዳኣ ሂርጊሻ ባኣዚ ባኣያ ማዒ ናንጋሢሮ ዬያቶም ባዴዔ!

2 ሂንዳ ካልኔ ካታሞ ዴንዲ ዔኤቢ ዛጉዎቴ፤ ዬይና ጌይ ሃሣ «ሃማቴ» ጌይንታ ዴኤፖ ካታሜሎ ዴንዲዎቴ፤ ሃሣ ጊንሣ ፒሊሰጻኤ ሜ ዓሶ ካታሞ ማዔዘ፣ ጋኣቴ ኬዲ ዛጉዎቴ፤ ዬንሢ

5:22 ዲሲ. 1:11-14። 5:25 ዳኪ. ማዶ 7:42-43።

ዲንሢኮ ለምዕ ካአቶ ዓጮይዳፓ ባሻያዳ? ዔያቶኮ ዓጮ ዳልጉማ ዲንሢሲዳፓ ባሼ ዳልጋያዳ?

3 ዲንሢ:- «ፑርታ ኬሊ ዑካዲ ሙኪንዲዋሴ» ጌይ ማሊ ዴር ሄርቁ ዋይሢያይዳ ጳሽካኔ።

4 ዳርሲ ዓቸና ኮሾና ዓልጋይዳ ዲንሢ ላሃኔ፤ ጊንሣ ሃሣ ሂርኬ ማዔ ሚዛጳ ዓርሶይዳኦ ኮሽኪ ዲንሢ ዴዓኔ፤ ማራቶ ባአካፓ ሃጊ ዔቃ ማራናይ፥ ባአቶ ባአካፓኦ ሃጊ ዲጫ ናአሪ ሹኪ ሹኪ ሙይ ዲንሢ ዋዛዳኔ።

5 ዲንሢ ካአቲ ዳውቴጉዲ ዓይኑሞ ኬሲ ኬሲ ጎኦላኦ ዋርቁ ኮርጋኔ።

6 ዋይኖ ዑዙ ዑሽኮ ዓንጎናቴዋንቴ ያቶና ዲንሢ ዑሽካኔ፤ ሚርጌ ሚኦሽና ሻንቁንታ ሳውቃ ሹቶ ዲንሢ ተሽታኔ፤ ዮሴፔ ዜርጋይዳ ሄሌ ባይሲንቶ ዛሎ ጋዓንቴ ዲንሢ ፔቴታ? ያዩዋሴ፤ ዬያ ባኮ ቢያ ዲንሢ ማዲሺራሢሮ ዲንሢና ባዴዔቴ!

7 ዬያሮ ዲዲንቶኮ ኮይሪ ዲንሢ ማዓንዳኔ፤ ዋዛዲ ኮርጊ ዲንሢ ናንጋ ናንጎኮ ዬማ ጋፖ ማዓንዳኔ።

8 ናንጊና ናንጋ ጎዳ ማዔ ቢያ ባኮ ዋይሣ ያኦዛሢ:- «ያይቆኦቤኮ ያቶርሙሞ ታ ዲጻኔ፤ ካአታ ናንጋ ሚዛጳ ማአሮ ታ ዔያቶኮ ሻኦኪንቴኔ፤ ዬያሮ ታኦኒ ካታሚሎንታ ዲኦካ ናንጋ ዴርንታ ቢያ ሞርኬም ዓኦሢ ዲንጋንዳኔ» ጌይ ፔ ሱንፆ ጌፔ ጫኦቄ።

9 ፔቴ ማኦሪዳ ናንጋ ዓሲፓ ታጳ ዓሲ ዓቴቴያ ዔያታ ሃይቃንዳኔ።

10 ሃይቁ ዓሶኮ ዲጊኒ ማዓ ፔቴ ዓሲ ሌዞ ዔኪ ዲኦኪኒ * ሙካያ፥ ዲኦኪ ስኬጻ ዓኦ ፔቴ ዓሲ ዔኤሊ:- «ኔኤና ዋላ ዓቲ ዓኦ ሜሌ ዓሲ ዓኦ?» ጌይ ያኦጫንዳኔ፤ ዬይ ዓሢ:- «ፔቴታ? ባኦሴ!» ጋዓንዳኔ፤ ዲማና ዬይ ያኦጫ ዓሢ:- «ዚቲ ጌዔ! ናንጊና ናንጋ ጎዳኮ ሱንፆ ፔጋሲ ኑ ዔኤላንዳያ ኮይሱዋሴ» ጋዓንዳኔ።

11 ናንጊና ናንጋ ጎዳ ዓይሣም ዴኤፖ ዴኤፖ ኬኤፃ ደዓንዳኔ፤ ዳኮ ዳኮ ኬኤፃኦ ደዒ ቡርሺንቴ ቡርሺንቴ ኩማንዳኔ።

12 ፓሮ ቶጋ ዓሲ ሹቸ ዑሢዳ ሳጋራኒ ዳንዳዓ? ጎሺ ጎሽካ ዓሲ ሃሣ ዲኦኪ ጌማይ ዋኦፃ ጎሽካኒ ዳንዳዓ? ዲንሢ ጋዓንቴ ፒዜ ዋጎ ዋጊያ ዋዋዳ ዴኤሻ ማሂ፤ ጊንሣ ሃሣ ጎኑሞዋ ዋላንጋጉዲ ጫንቸ ባኦዚ ማሂ ላኦጫ።

* **6:10** ዲኦኪ:- ጋዓዙ:- ቢርታ ማፃአፓ ያኦፒንቴ ዔብሬ ዓሶ ሙኤጮና «ሚቻኒ» ጋዓኔ፤ ዬኖ ዋደና ሃይቁ ሌሲ ሚቸሢ:- ጊንሣ ሃሣ ታሚ ዔኤሥሢ ዬያ ዓሢ ቦንቸ ዲኦኪሢጉዳያኬ።

13 ዲንሢ ፓሠብ ባክዚና ዋዛዳኔ፤ ዋልቆዋ ዲንሢ ዲንሢሮ ዴንቄያ ዲንሢሞ ማለኔ።

14 ናንጊና ናንጋ ጎዳ ማዕ ቢያ ባኮ ዋይሣ ያኦዛሢ፡- «ዲሰራዔኤሌ ዴሪዮቴ! ሃማቴ ካታሞ ጌሎ ካራፓ ዴንዲ ዓሪባ ዶኦጮ ሄላንዳኦና ካራ ዲንሢኮ ባይዚ ያሊ ዲንሢ ሜታሳንዳ ዓሲ ታኦኒ ዲንሢዳ ዳካንዳኔ» ጋዓኔ።

7

ዓቢሢ ሙካንዳያ ማዕፃ ኬኤዚንቴሢ

1 ሃኦካ ጮኦሪንቴ ካኦቴሞ ዲንጎ ሃኦካ ዲንጊንቴሰካፓ ቤዘይዳ ዉኦኬ ማዕ ባቃሌ ሃኦኮ ሙዓንዳ ዓቢሢ ናንጊና ናንጋ ጎዳ ማዕ ያኦዛሢ ቃንቁሳያ ታኦሞ ፔጋሲ ዳዌኔ፤

2 ዬይ ዓቢፃ ሳይይዳ ዓኦ ዓኦዔ ባኮ ሙይ ባይዘሢ ታ ዛጋዮ፡- «ናንጊና ናንጋ ጎዳ ማዕ ያኦዛሢዮ! ሃዳራ ዴሮኮ ዳቢንቶ ዓቶሞ ጌዔ! ኔ ዬያይዳቴ ያይቆኦቤ ዋይቴ ዓታንዳይ? ዲዚ ላኦፓቱዋዓዳ!» ጌይ ሺኦቄኔ።

3 ዬያሮ ናንጊና ናንጋ ጎዳ ዔያቶ ሚጨንቴ፡- «ዬያ ኔ ዛጌ ባኮ ታ ማዳዓኬ፥ ዓቶንጎ!» ጌዔኔ።

ታሚ ዳኪንታንዳያ ማዕፃ ኬኤዚንቴሢ

4 ሃሣ ጊንሣ ናንጊና ናንጋ ጎዳ ታሚ ሳይይዳ ዓጋኒ ጊኦጊንቴያ፡ ዬይ ታማ ዴኤፖ ባዘ ዋኦፃ ጉቤ ሙይ ፃኦዲሲ ባይዚ ሳዮ ሙይሢ ዓርቄያ ታና ዲዚ ዳዌኔ።

5 ዬያሮ ሃሣ ታኦኒ፡- «ናንጊና ናንጋ ጎዳ ማዕ ያኦዛሢዮ! ዬያ ኔ ሃሻንዳጉዲ ታኔና ሺኦቃኔ! ኔ ዬያይዳቴ ያይቆኦቤ ዋይቴ ዓታንዳይ? ዲ ላኦፓቱዋዓዳ!» ጌይ ሺኦቄኔ።

6 ዬያሮ ናንጊና ናንጋ ጎዳ ዔያቶ ሚጨንቴ፡- «ዓቶንጎ! ዬያኦ ታ ማዳዓኬ» ጌዔኔ።

ማኦሪ ማኸንታኦና ፒዜ ማዕፃ ሚፂ ዛጎ ዓንጊ (ቱምቢ)

7 ዬያጉዲ ሃሣ ናንጊና ናንጋ ጎዳ ቱምቢ ጌይንታ ባኮና ሚፂ ዛጊ ማኸና ኬኤሌ ዲሢ ዓሽካ ዔቂ ዓኦያ፡ ከጮይዳ ዬኖ ቱምቢ ጎዮ ባኬሎ ዓርቂ ዓኦያ ታኦሞ ፔጋሲ ዳዌኔ፤

8 ዲማና ናንጊና ናንጋ ጎዳ ታ ኮይላ፡- «ዓሞፃ! ኔኤም ዓይጌ ጴዳይ?» ጌይ ያኦጮኔ።

ታኦኒያ፡- «ቱምቢ ታ ዴንቃኔ» ጌዔኔ።

ዬካፓ ናንጊና ናንጋ ጎዳ፡- «ቱምቢና ዛጊ ሚፂ ማኸንጉባኦ ኬኤሌ ዲሢጉዲ ታኦኮ ዴራ ዲሰራዔኤሌ ዋቢ ታኦሞ ጴዳሢሮ ሃና

ዓንገላ ዒሰራዔኤሌኮ ዋቢያ ዳዋያኬ፤ ዩያሮ ታኣኒ ዔያቶይዳ ማቶ
ዓጉዋ ሃሻዓኬ።

9 ዩሳኣቄና ዒዛኮ ናኣቶኮ ናኣቶ ሄላንዳኣና ዔያታ ዚጊ ካኣሽካ
ዴጌ ቤዛ ዶዒ ባይቃንዳኔ፤ ዒሰራዔኤሌኮዋ ዶማዴያ ጌኤሺ ማዔ
ቤዛ ሻሂንቲ ባዔ ቤሲ ማዓንዳኔ፤ ካኣቲ ዒዮርቢዓሜኮ ካኣቱዋ
ታኣኒ ዶይሲ ባይዛንዳኔ» ጌይ ታኣም ኬኤዜኔ።

ዓመጽና ዓሜሲያሴ ጌይንታ ዓሲሰኬያና ዛላ ኬኤዚንቲ ሃይሴ

10 ቤኤቴሌይዳ ቁኤሴ ማዒ ማዳ፣ ዓሜሲያሴ፡- «ዓመጽ ጎያሢ
ዒሰራዔኤሌ ዳሮ ባኣካ ዴዒ ኔኤም ዔቴ ቦኣካኔ፤ ዴራ ዒ ጋዓ ባኮ
ቢያ ዋይዚ ዋይዚ ዴዒኒ ዳንዳዑዋሴ።

11 ዒዚ፡- «ዒዮርቢዓሜ ያልዚዳ ሃይቃንዳኔ፤ ዒሰራዔኤሌ ዴራኣ
ፔ ዓጫፓ ዲዒንቲ ማሌ ዓጪ ዔውታንዳኔ» ጋዓኔ።» ጋዓ ከኢታ
ዒሰራዔኤሌ ዓጮ ካኣቲ ዒዮርቢዓሜም ዳኬኔ።

12 ዓሜሲያሴ ዓመጽም፡- «ጾኦሲ ፔጋሲ ዳዋ ባኮ ዛጋሃ! ማዒ
ዪሁዳ ዴንዲጋፓ ዒኢካ ጾኦሲ ማሊያ ኬኤዚ ኬኤዚ ኔኤም ዒንጎ
ባኮ ሙይ ዒኢካ ናንጌ።

13 ቤኤቴኤሌ ጋዓንቲ ካኣቲ ዚጊ ጾኦሲ ካኣሽካ ቤሲ፤ ሃሃ ዲቦ
ዴሮኮ ጌኤሺ ማኣሪ ማዔሢሮ ሃይካ ላሚ ጾኦሲ ማሊሢ ኬኤዚ።»
ጌዔኔ።

14 ዓመጽ ማሃዖ፡- «ታኣኒ ሻኣቢ ማንፃ ሙዓያ፣ ሃሃ ቆልዋ
ሄንቃያኬ፤ ጾኦሲ ማሊሢ ኬኤዚያና ጾኦሲ ማሊሢ ኬኤዛ ዓሲኮዋ
ታኣኒ ናይቱዋሴ።

15 ታኣኒ ማራይ ሄንቃያታንቲ ዩይፓ ታና ዔኪ፡- «ዴንዴ፤ ታ ዳሮ
ዒሰራዔኤሌም ታ ማሊያ ኬኤዜ» ጌይ ታና ዓይሢሢ ፔኤሮ ናንጊና
ናንጋ ጎዳኬ።

16 ሃሢ ናንጊና ናንጋ ጎዳ ጋዓ ባኮ ዋይዜ፤ ኔኤኒ ጋዓንቲ፡-
«ዒሰራዔኤሌ ዓጮይዳ ጾኦሲ ማሊያ ኬኤዚ።» ዩሳኣቄ ዜርዮ ማዔ
ዒሰራዔኤሌ ዳሮም ጾኦሲ ቃኣሎ ኬኤዚ።» ጌይ ታና ላኣጌኔ።

17 ዩያሮ ዓሜሲያሴ! ናንጊና ናንጋ ጎዳ ኔኤም ሂዚ ጋዓኔ፡- «ኔኤኮ
ማቻ ካታዋይዳ ዘኣሰካ ኮኣማያ ማዓንዳኔ፤ ዓቲንቆንታ ዉዳሮ
ናኣቶንታ ኔኤኮ ያልዚና ሃይቃንዳኔ፤ ኔኤኮ ዴኖ ማሌ ፍንጎ ማዔ
ዴራ ዋዳራ ጎቹ ፓቂንቲ ዔካንዳኔ፤ ኔኤኒ ማሌ ዳሮ ዓጫ ዴንዲ
ሃይቃንዳኔ፤ ዒሰራዔኤሌ ዴራ ሉኡዙዋባኣያ ፔ ዓጫፓ ዲዒንቲ
ዔውታንዳኔ» ጌዔኔ።

8

ሚሢ ዓኣፒ ካፍያ ኮታ ኩሙሢ ጾኦሲ ዓመጽም ዳዌሢ

1 ናንጊና ናንጋ ጎዳ ማዕ ያኦሲ ሜሌ ባኣዚ ታኣም ፔጋሲ ዳዌኔ፤ ዩይ ዓይጎዳይ ጌዔቴ ኮታ ኩሙሢ፤ ሚሢ ዓኣፒ ካጃያ ታኣኒ ዛጌኔ፤

2 ናንጊና ናንጋ ጎዳ ታና፡- «ኔኤም ዓይጌ ጸዳይ?» ጌይ ያኦጩኔ። ታኣኒ፡- «ሚሢ ዓኣፒ ካጃያ ኮታ ኩሙሢ ዳንቃኔ» ጌይ ማሄኔ።

ናንጊና ናንጋ ጎዳ፡- «ታ ዳሮ ዒሰራዔኤሌኮ ጋፒንሢ ሄሌኔ፤ ሃይፓ ሴካ ማይ ታ ዔያቶይዳ ሜቶ ዓጉዋ ሃሻዓኬ።»

3 «ጌኤዡ ማኣሮይዳ ዔያታ ኮርጋ ኮፃ ዩኤፒ ባንሢ ሺራንዳኔ፤ ሚርጌ ዓሲኮ ሌሲ ቢያ ቤሰካ፤ ዚቲ ጌይ ኬኤሪንታንዳኔ» ጌይ ታኣም ኬኤዜኔ።

ዒሰራዔኤሌኮ ሎኦሚያ

4 ዒንሢ ሜታዳ ዓሶ ሄርቁ ዎይሢ ዓሳ፤ ጊንሢ ሃሢ ማንቆ ዓሶ ዓጩይዳፓ ባይዛ ዓሳ! ዋይዙዋቴ!

5 ዒንሢ፡- «ሃኣኮ ኑኡኮ ኑ ሻንቾም ዓጊና ጃኤሮ ቦንቻ ዑኬና ጋፓኣባሽ! ዛርጋሢ ኑኡኮ ኑ ቦኣካ ሻንቾም ሃውሾ ኬላ ዑኬና ኩዳኣባሽ! ዩይ ቦንቻ ኬላ ጋፔቴ ሃኣኮ ማኮ ሙርሶ ኑ ዳኪሲ ዲቢ ሚኢሽ ኑ ዔካንዳኔ፤ ፒዜቱዋ ዳኤሡሞ ዔሮ ባኣዚና ዳሮ ኑ ጌሻንዳኔ፤»

6 ዛርጎኮ ሙርቶዋ ዓይሱዋዎ ኑ ሻንቻንዳኔ፤ ማንቆ ዓሶ ሚኢሽና፤ ጊንሢ ሃሢ ሜታዳ ዓሶ ፔቴ ዓሲ ዓኣሢንታ ዱርሲና ሻንቁ ዔኪ ኑኡም ማዲሻንዳኔ» ጋዔ።

7 ያይቆኦቤና ዜርዎናም ሄርሺንቲ ጉሙርቆያ ማዔ፤ ናንጊና ናንጋ ጎዳ ፔ ሱንዎ ጌፒ ሂዚ ጌይ ጫኣቄኔ፡- «ዔያታ ማዴ ባኮ ቢያ ታኣኒ ዋላዓኬ።»

8 ዩያ ዛሎና ሳዓ ዓጊፃንዳኔ፤ ዩኖ ሳዎይዳ ናንጋ ዓሳ ቢያ ዩኤካንዳኔ፤ ሳዓ ካራና ዓባዩ ዎሮጉዲ ፖኦጊ ሌካ ዔቃንዳኔ፤ ዩካፓኣ ጊንሢ ሊካ ሳዓ ኬዳንዳኔ።»

9 ናንጊና ናንጋ ጎዳ ማዔ ያኦዛሢ ሂዚ ጋዔ፡- «ሃጊ ዓባ ሳዛ ዓኣንቴ ዓባ ታኣኒ ጌልዛንዳኔ፤ ዓባ ዱኡሲ ዓኣንቴ ሳዎ ታኣኒ ዲሚሻንዳኔ።»

10 ዒንሢ ሌዎይዳ ቦንቹ ዎዛዳ ዎዛ ያዩሢ ባንሢ፤ ኮዎዎ ዒንሢኮ ታኣኒ ዩኤፒ ባንሢ ሺርሻንዳኔ፤ ቢያሢ ዒንሢ ሲዩ ፓቴሌ ማይንታንዳጉዲ፤ ቶኦኮዎ ዒንሢኮ ዒንሢ ሜኤዳንዳጉዲ ታ ማዳንዳኔ፤ ዩኖ ኬሎ ናዎማ ፔቴ ሜቲታዎ ሃይቁ ዓሲ ዩኤካያጉዲ ፑርታ ሜቶ ኬሊ ታኣኒ ዒንሢም ማሃንዳኔ።»

11 ናንጊና ናንጋ ጎዳ ማዔ ያኦዛሢ ሂዚ ጋዔ፡- «ሳዎይዳ ታኣኒ ናይዚ ዳካንዳ ዎዴ ዩዓንዳኔ፤ ዩኖ ዎዶና ዓሳ ናይዲንታንዳሢና

ዴኤቢንታንዳሢ ታኣኮ ቃኣሎ ዴንቁ ዋይዞ ባሺንቲኬ፥ ሙዖ ባኣዚና ዋኣሢና ባይዚቱዋሴ፤ ዬያ ጌዔሢ ታና፥ ናንጊና ናንጋ ጎዳኬ።

12 ዬኖ ዋዶና ዴራ ቢያ ዓጮኮ ኬዴኖ ዛላፓ ዶኣሎ ዛሎ ባንሢ፥ ዓባ ኬሰካ ባንፃፓ ዓባ ጌላሢ ባንሢ ታኣኮ ቃኣሎ ዴንቃኒ ሃንቲ ሃንቲ ጉሪ ጳሽኪ ሜታዳንዳኔ፤ ጋዓንቲ ዔያታ ዴንቃዓኬ።

13 ሚዛጰ ዉዴሮ ናኣቶንታ ዶዶ ዓቲንቆ ናኣቶንታ ዬያ ዋኣዖ ዴኤባፓ ዔቁያና ላቢ ቃኣያዳንዳኔ፤

14 ሳማሪያይዳ <ዓሺማ> ጌይንታ ላኣሎ ዖኣዜላ ሃይቆ! ጌይ ጫኣቃ ዓሶንታ <ዳኣኔ ዖኣሲ ሃይቆ!> ጊንሣ ሃሣ <ቤርሳቤ ዖኣሲ ሃይቆ!> ጌይ ጌይ ጫኣቃ ዓሳ ቢያ ላሚ ፔቲታዖ ዔቃኦዋ ጎይሢ ጋፒ ሎኦማንዳኔ።»

9

ናንጊና ናንጋ ጎዳ ዒሰራዔኤሌይዳ ዓጋኒ ጊኢጌ ሜቶ

1 ናንጊና ናንጋ ጎዳ ዒንጎ ባኮ ዒንጎ ቤዞ ኮይላ ዔቁ ዓኣንቲ ታ ዛጌ፤ ዒዚ ታና ሃዚ ጌይ ዓይሣኔ፡- «ፃጰ ሃሊ ዓጊፃንዳጉዲ ጌኤዦ ማኣሮኮ ቱርቱር ሙሰኩሎ ጳርቁ፤ ሜቁ ዓሶኮ ለፖይዳ ዶዓንዳጉዲ ጳርቁ ሜንሣ፤ ዬያይዳ ሃይቁዋዖ ቶሊ ዓቲ ዓሶ ታኣኒ ጨንቻ ዓራፖና ኩርሳንዳኔ፤ ዓይጎ ዓሲያ ጳሽኪ ቶሊ ዓታዓኬ።

2 ሳዖ ቦኣኪ ጌሊ ዔያታ ዳኡቲቲያ ታ ዔያቶ ዒኢፓ ጎቺ ኬሳንዳኔ፤ ሌካ ጫሪንጮ ዔያታ ኬሰኬቲያ ታ ዔያቶ ዒኢካፓ ኬይሳንዳኔ።

3 ቁርሜሎሴ ዴኮኮ ቶኣኮ ኬሰኪ ዒኢካ ዔያታ ፑኔቲያ ኬሚ ታ ዔያቶ ዒኢፓ ዑርዚ፥ ዓርቃንዳኔ፤ ታ ቤርታፓ ፑናኒ ዴኤፖ ባዞ ዔቶ ዔያታ ኬዴቲ ዒኢካ ዓኣ ሾኣዦ ዔያቶ ዳዓንዳጉዲ ታኣኒ ዓይሣንዳኔ።

4 ዋርካ ዔያቶ ዲዒ ዔኪ ዴንዴቲያ ዒኢካ ዔያቶ ታኣኒ ዋዲሻንዳኔ፤ ታ ዔያቶ ፑርታ ዓኣፒና ዛጋንዳኔ፥ ኮሺ ዓኣፒና ዛጋዓኬ።»

5 ዓጪ ማዔ ካራና ቢያ ዓባዬ ዋሮጉዲ ለካ ፖኦጊ ዔቁ፥ ጊንሣ ሳዓ ኬዲ ጌይ ጌይ ዓጊፃኔ፤ ናንጊና ናንጋ ጎዳ ማዔ ቢያ ባኮ ዋይሣ ጎዳሢ ሳዖ ካኣማዛ ዓልቃንዳኔ፤

ዒኢካ ናንጋ ዓሳኣ ቢያ ዬኤካንዳኔ።

6 ፔኤኮ ናንጎ ማኣሮ ጫሪንጫ ማዢሢ ሳዖኮ ዑዖይዳ ሌካ ዴጌ ቤዞ ኮሺ ዒኢካ ዶዲሼሢ

ዴኤፖ ባዞ ዋኣዎፍ ፔ ባንሢ ዔኤሌ
ሳዖይዳ ጊንሣ ሸኦቲሳሢ ዒዛኬ፤
ሱንፃኣ ዒዛኮ ናንጊና ናንጋ ጎዳኬ።

7 ናንጊና ናንጋ ጎዳ ሂዚ ጋዓኔ፡- «ዒሰራዔኤሌ ዴሬዮቴ! ታ ቤርቶይዳ ዒቶጲያ ዓሳ ዒንሢፓ ላኣፒ ጴዲዋሴ፤ ዒንሢ ታኣኒ ጊብፄ ዓጫፓ ኬሰሢፓዲ ፒሊሰፄኤሜ ዓሶ ቁርፄኤሴፓ፤ ሶኦሪያ ዓሶ ቁኣሬፓ ዔኪ ታኣኒ ኬሰባኣዓዳ? ዔኪ ታኣኒ ኬሰናኣኮኬ።

8 ታና፡ ናንጊና ናንጋ ጎዳ ማዔ ፆኦዛሢኮ ዓኣፓ ጎሞ ማዳ ዒሰራዔኤሌ ካኣቶ ዓጮ ዴንቁኔ፤ ሳዖይዳፓ ጋፒሲ ታ ባይዛንዳኔ፤ ያዲ ማዔቴያ ያይቆኦቤ ዜርዖ ቲፅዲ ታኣኒ ባይዛዓኬ። ዬያ ጌዔሢ ታና፡ ናንጊና ናንጋ ጎዳኬ።

9 «ዒሰራዔኤሌ ዴራ ሜሌ ዴር ባኣካ ዜርቁንታንዳጉዲ ታኣኒ ባይሣንዳኔ፤ ዔያታ ዜርቁንታንዳሢ ሶኦር ዓንዳ ዓንዳና ሃኣኮ ሶኦሪንታሢጎይዖኬ፤ ሶኦር ዓንዳ ዛላዳኣና ዲልባ ዴንዳንዳኣፓዓቴሞ ፔቴ ዓኣፒታዎ ፒንፄ ዴንዳዓኬ።

10 «ፔቴታዎ ፑርታ ባኣዚ ኦና ሂላዓኬ» ጋዓ ታ ዴር ባኣኮይዳ ዓኣ ጎሞ ዓሳ ቢያ ያልዚና ሃይቃንዳኔ።»

ዒሰራዔኤሌ ዴራ ፔ ዓጮ ጊንሣ ሙካንዳያ ማዒዖ

11 ናንጊና ናንጋ ጎዳ ሂዚ ጋዓኔ፡- «ዳውቴ ማኣር ዶዔሢ ጊንሣ ታ ዔቁሳንዳኔ፤ ኬኤሎ ዲዎፍ ጊንሣ ታ ኮሻንዳኔ፤ ሻሂንቴሢያ ማሂ ታ ዓካሳንዳኔ፤ ሚና ቤርታ ዓኣ ጎይዖማጉዲ ማሂ ጊንሣ ታኣኒ ማኣንዳኔ።

12 ዬያር ዔዶኦማፓ ፒኢጫዲ ዓቴ ዓሶ፤ ጊንሣ ሃሣ ታ ሱንፃና ዔኤሊንቴ ሜሌ ዴር ቢያ ዔያታ ዳካላንዳኔ» ጋዓኔ ዬያ ባኮ ቢያ ማዲ ኩንሣንዳ፡ ናንጊና ናንጋ ጎዳ።

13 ናንጊና ናንጋ ጎዳ ሂዚ ጋዓኔ፡-
«ሃኣኮ ጮኦራ ዓሳ ጮኦሪ ጋፒሱዋንቴ
ጎሽካ ዓሳ ጎሽኮር ዬዓንዳ ዎዴ፤
ዎይኖ ዓኣፖ ጩኡጳ ዓሳ ጩኡጳ ጋፑዋንቴ
ዎይኖ ቱካ ዓሳ ቱኮር ዬዓንዳ ዎዴ ሙካንዳኔ።

ዬኖ ዎዶና ዳካፓ ዓኣሢ ዎይኔ ዑሽ ዓልቃንዳኔ፤
ጌሜራፓኣ ቢያ ዎይኔ ዑሽ ጎዓንዳኔ።

14 ታኣኮ ዴር፡ ዒሰራዔኤሌ ፔ ዓጮ ማሂ ታ ዔኪ ዬዓንዳኔ፤
ዶዲ ሻሂንቴ ካታሞ ጊንሣ ዔያታ ማዢ ዒኣካ ናንጋንዳኔ፤
ዎይኔ ቱኪ ዬያ ዎይኖኮ ዓኣፖና ኮሾ ዑዢ ዔያታ ዑሽካንዳኔ፤

ሜሌ ዬያጉዲ ደማ ደማ ሚሢያ ቱኪ ዓኣፖ ዔያታ
ሙዓንዳኔ።

15 ታ ደሮ፣ ዒሰራዔኤሌ

ዔያቶም ታ ዒንጌ ዓጮይዳ ደቂ ታኣኒ ፃጲ ዳኪሲሳንዳኔ፤

ለሚያፓ ዔያታ ቱገንቲ ዳንዳዓኔ።»

ዬያ ጌዔሢ ሩንገሩ ሩንጋ ጎዳ ማዔ ዒንሢኮ ፆኣዛሢ፣ ታሩኔ።

ጌኤዢ ማጻሕፍት
The Holy Bible in the Maale language of Ethiopia,
using Ethiopic script

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

ጌኤዢ ማጻሕፍት

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-13

PDF generated using Haiola and XeLaTeX on 13 May 2025 from source files dated 13 May 2025

bbcfb90a-3ae3-5452-983d-6c4c02375929